



Inatsisartunut ilaasortaq Lene Knüppel, Demokraatit

## **Ilinniarnertuut pillugit inatsit pillugu § 36 tunngavigalugu apeqqummut allakkatigut akissut**

Inatsisartut suleriaasianni § 36, imm. 1 naapertorlugu 22. juni 2008-mi Ilisimatusar-fimmi aqutsineq pillugu inatsit nutaaq pillugu arlalinnik apeqquteqarputit.

Apeqqutit tulleriinneri malillugit matumuuna akineqarput:

- 1. Inatsisip atortinneqarnera qanoq ingerlava pingaartumillu inatsimmi § 1-mi „ilisimatusarnermik ingerlatsinissaq aammalu ilisimatusarnermik tunngavilimmik nunat tamat ilinniarsinnaanermi qaffasinnerpaaffigisaat angullugu“?**

**Akissut:** Maannamutut ilisimatusarfimmi institutit sisamat (Allaffissornermut Instituti, Kultureqarnermut Inuiaqatigiillu oqaluttuarisaanerannut Instituti, Teologiimut Upperisarsiornermullu Instituti, Oqaatsinut Instituti, kiisalu Atuagassiaqarnermut Tusagassiornermullu Instituti) ilisimatusarnermik ingerlatsineq maannamutut suliarineqarpoq nunanilu tamalaani ilinniarsinnaanermi qaffasinnerpaaffigisaq angullugu ilisimatusarnermik tunngavilimmik ilinniartitsisoqarluni.

Ukiumit ilinniarfiusumit 2008/2009-mit sammisani *Kultureqarneq Inuiaqatigiillu oqaluttuarisaanerat, Allaffissorneq, Oqaatsit, Atuagassiaqarneq Tusagassiornerlu* pingaarnertut saniatigullu toqqagassatut ilinniartitaaneq ("ilinniarnertuunngorniarfinni ilinniartitsisutut ilinniartitaanerit") atulersinneqarput. Oqaatigineqassaaq ilinniartitsinermik aqqissuussinerit taakku tamarmik danskit universitetiannut tusarniaassutigineqartarmata nunani tamalaani qaffasissuseritineqartoq qularnaarniarlugu.

Atorfininnissaq siunertaralugu bacheloritut ilinniartitaanerni maanna Ilisimatusarfiup ilaaniittuni ilisimatusarnermik ineriartortitsinermut tunngatillugu aamma sulisut piffissaq suliffiususaaq pillugu isumaqatigiissutaanni piffissamik ilisimatusarfiussamik ilanngussinissaq, kiisalu pineqartuni ataa-siakkaani atorfinnik ilisimatusarnermut tunngasunik pilersitsinissaq anguniarneqarpoq. Ilinniartitsisunngorniarnermi pingaartumik pinngortitaleriner-mi perosaanermilu ilisimatusartut attaveqaatissaannik aallartitsinissamut suliniuteqartoqareerpoq.

02-07-2008  
Sags.nr. 2008-009450  
Dok.nr.70930  
Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip@gh.gl  
www.nanoq.gl/kiiin

Taamatuttaaq peqqissaasunngorniarnermi ilisimatusartuunermik (senior-forsker) atorfinitsitsinissamut, kiisalu ilinniartitsisut piffissap 30 %-iani ilisimatusarsinnaanissaannik ineriartortitsinermut pilersaarusiortoqareerpoq.

Kiisalu (2008-mi ukiaanerani ilinniarnermut misiligutitut) isumaginninnermi siunnersortinngorniarneq Allaffissornermut Institutimut ukioq manna juulip ulluisa aallaqqaataanni ataatsimoortinneqarpoq, taamalu illuni atorfinin-nissaq siunertaralugu bacheloritut ilinniartitaaneq inuiaqatigiilerinnermi ilisimatusarnermut ataatsimoortinneqarluni.

**2. Inatsisip pilersinneqarnera siunertarineqartutut ingerlatsinermut tunngatillugu sulinikkut pitsannguinnermik kinguneqarpa?  
Naalackersuisut qinnuvigineqassapput tamatumunnga tunngatillugu takussutissamik saqqummiusseqqullugit.**

**Akissut:** Ilinniartitaanerit Ilimmarfiup illutaanut inissinneqarsimasut 1. januar 2008-mit ataatsimut aqunneqalerput. Tamatuma kinguneraa allaffissornerup ingerlatanut agguataarneqarsinnaasimanera, siusinnerusukkut allaffeqarfiit pingasuusimagaluarlutik sulisullu "tamaginnik suliaqartuusimagaluarlutik". Tamatuma ingerlataqarfinnik ataasiakkaanik, taakkununnga ilanngullugit ilinniartunut allaffeqarfimmik, naatsorsuuserinnermik sulisunullu allaffeqarfimmik sunniuteqarnerulersitsineq pitsanngorsaanerlu kinguneraa.

Aammattaaq suleqatigiissitat ilisimatusarfimmut tamarmiusumut allaffissornermik ataatsimut aaqqiinissamut iliuusissatut pilersaarusiorsimapput. Tamatumani naatsorsuuserisoqarfiit Ilimmarfiup illutaata, Ilinniartitaanermik ilisimatusarnermut Institutip (Tassa Inerisaaviup Ilinniarfissuullu Ilimmarfiup illutaata avataani inissisimasut) inissisimasut akornanni aalajangersimasumik suleqatigiittoqalerpoq, suleriaatsip ataatsimut aaqqinneqarnissaa, kiisalu aningaasaqarnermik ingerlatsinerup pitsaanerulersinneqarnissaa siunertaralugu.

**3. Inatsisip pilersinneratigut siuniunneqatutut annertuumik ingerlatsinikkut iluaqutissanik pilersitsisimanerluni?  
Tamatumunnga tunngatillugu Naalackersuisut takussutissanik saqqummiusseqquneqarput.**

**Akissut:** Inatsit maannamiilli annertuumik ingerlatsinikkut iluaqutissartaqalereerpoq, allaffissorneq pitsaanerulermit ingerlatanullu agguataarneqarmat. Inatsit atuutillermalli aamma ilinniartitaanerit ataatsimut aaqqinneqarnissaannut ataatsimullu ilinniarsiunissaannut periarfissat pillugit oqaloqatigiittoqalerpoq.

Maanna ilisimatusarfimmi aqutsisut nukissanik sipaarutaasunik pisariillisaataasunillu, ungasinnerusoq eqqarsaatigalugu aningaasaqarnikkut an-

nertuumik ingerlatsinikkut iluaqutissanik suliatigullu sunniivigeqatigiinnis-samik nassataqartussanik suliniutinik assigiinngitsunik pilersaaruserlutillu piviusunngortitsileruttorput.

Annertuumik ingerlatsinikkut iluaqutigilikkat sunniivigeqatigiinnerillu taakku ingerlatat amerlineqarnerinut - ilinniartorilikkat amerlineqarnerinut, ilinniartitaanernik nutaanik neqerooruteqarnermut, kiisalu ilisimatusarnerulersitsinermut ilisimatusarneq tunngavigalugu atorfininnissarlu siunertaralugu bacheloritut ilinniartitaanernik pilersitsinermiittumut aningaasalersuineranut atorneqarnissaat siunertaavoq.

#### **4. Ullumikkut ilinniartitaanermi ilisimatusarnermik tunngavilimmi piumasarineqartut tunngavigalugit ingerlatsisoqarnerluni?**

**Akissut:** Ilisimatusarfimmi institutini sisamani taakkunani atuartitsinerit maannamutut ilisimatusarneq tunngavigalugu atuartitsinerupput.

Atorfininnissaq siunertaralugu ilinniartitaanerni tallimani taakkunani ilisimatusarneq tunngavigalugu atuartitsinernut tunngatillugu peqqissaanermi, tusagassioanermi, isumaginninnermi siunnersuinermi meeqqallu atuarfianni ilinniartitsisunngorniarnermi atorfininnissaq siunertaralugu ilisimatusarnerlu tunngavigalugu bacheloritut ilinniartitaanernut ilinniarnert ingerlanissaat aaqqissuunneqarsimapput. Ilinniartitaanert nutaat taakku ilinniartitaanitoqqanut ilisimatusarnermik tunngaveqanngitsunut atorunnaariartortunut taartigineqarput. Taamatuttaaq perorsaanermi kandidatitut masteritullu ilinniartitaanert neqeroortigineqarput.

Ilisimatusarfimmi maanna atuartitsisuusut ilisimatusarnermik misilittagallit Ilisimatusarfimmi ilinniartitaanerni atorneqarnerulernissaat pilersaarutavoq. Aammattaaq atorfininnissaq siunertaralugu ilinniartitaanerni ilisimatusarnissaq atuartitsinissarlu soqutiginarnerusunngorlugu ilisimatusarfimmut tamarmiusumut piffissap suliffiusussap ataatsimut isumaqatigiissutigineqarnissaa Ilisimatusarfiup sulissutigaa.

#### **5. Ilisimatusarfimmi pisortatut atorfiup aalajangersimasumik inuttaler-nissaa siunertaralugu inuttassarsiornissaa qaqugu Naalakkersuisut naatsorsuutigaa?**

Akissut: Rektori Ilisimatusarfiup siulersuisuinit atorfinitsinneqartarpoq, Inatsisartut inatsisaanni nr. 19-imi, 19. november 2007-imeersumi § 9, imm. 4 naapertorlugu.

Siulersuisut siulittaasuata Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmut ilisimatitsissutigaa atorfik ukioq manna aggustimi allagarsinneqassasoq septembarip qiteq-qunnerani qinnuteqarfissaq killilerlugu. Oktobarip naanerani qinnuteqartu-mik toqqaasoqarsinnaanissaa naatsorsuutigineqarpoq, taama ililluni pine-

qartoq 1. december 2008-mi imaluunniit 1. januar 2009-mi rektoritut atorfinissinnaanngorlugu, qinnuteqartup maanna atorfimmini pisussaaffii apeqqutaatillugit.

Ikinngutinnersumik inuulluaqqusillunga

Tommy Marø